

tionē & honore omnium fuit: illustre documentum est, non modò, si quid ex humanis rebus expetendum aut affectandum est, quid pulcherrimum homini ac splendidissimum sit, ut ejus amore inardescat, quodque apicem votorum ac studiorum constituat, & infra quod omnia alia ducat; sed etiam quid sit præcipuum in eis, qui alios bene regunt, quantumque id habeat ad rei publicæ salutem ac gloriam virium atque efficaciam, quæ sine dubio Sapiencia est; omni munimento firmior, omnibus armis potior, omnibus copiis fortior, omni sceptro augustior, omni opulentia magnificentior, omni imperio potentior, omni vi terribilior, omni splendore amabilior. Solomon, si quis alius, hujus rei exemplum, idemque certissimus testis est. At si consideremus, in quantam nihilominus ille sapientissimus ruerit stultitiam; quanta & quàm ἀνέφικτος veræ sapientiæ profunditas, quàmque longè distita ab ejus arce mens ratioq; humana, quàmque proclive sit, umbram pro ejus luce, radium tenuem pro toto jubare adamare, conjectu facile est. Quod quum ita sit, apparet, quid de seipso vel maximus quisque sentire, quàm parum suæ sapientiæ, qui neque tam disertæ promissionis neque tam manifestæ largitionis Dei comper-

ti sunt